


## Član 14 Prijedloga Statuta

### Zadaci

Komisija ima sljedeće zadatke:

- (a) da prikupi podatke o slučajevima ratnih zločina i drugih teških kršenja ljudskih prava, pruži njihov detaljan opis, prikaže obrasce kršenja prava i njihove posljedice;
- (b) da prikupi podatke o sudbini nestalih i saraduje s nadležnim tijelima koja se u stranama ugovornicama bave potragom za nestalima;
- (c) da izradi popis ljudskih gubitaka u vezi s ratom ili drugim oblikom oružanog sukoba:
- civila koji su izgubili život ili nestali u vezi s ratom ili drugim oblikom oružanog sukoba; i
  - boraca koji su izgubili život ili nestali u vezi s ratom ili drugim oblikom oružanog sukoba;
- (d) da prikupi podatke o mjestima zatvaranja u vezi s ratom ili drugim oblikom oružanog sukoba, licima koja su protivpravno zatvarana, podvrgavana mučenju i nečovječnom postupanju, i izradi njihov sveobuhvatan popis uz zaštitu identiteta kada je to neophodno;
- (e) da istraži političke i društvene okolnosti koje su odlučujuće doprinijele izbijanju ratova ili drugih oblika oružanog sukoba, kao i činjenja ratnih zločina i drugih teških kršenja ljudskih prava;
- (f) da održi javna slušanja žrtava i drugih lica o ratnim zločinima i drugim teškim kršenjima ljudskih prava;
- (g) da preporuči mjere koje se odnose na sprečavanje ponavljanja kršenja ljudskih prava i na reparacije za žrtve; i
- (h) da izradi, objavi i predstavi završni izvještaj na način koji će omogućiti da izvještaj dopre do što šireg kruga ljudi u državama na području nekadašnje SFRJ.

Koalicija za REKOM je u novoj poziciji – svojim znanjem i dokumentacijom kojom raspolaže podržaće ostvarenje mandata REKOM-a u odnosu na dokumentovanje ratnih zločina, rješavanje sudbine nestalih, popis civila i vojnika koji su izgubili život u vezi sa ratom, kao i na popis logora/mjesta zatočenja.



podržavam  
**REKOM**  
septembar 2013.



podržavam  
**REKOM**



**REKOM** je građanska inicijativa koja poziva postjugoslavenske države da zajednički osnuju Regionalnu komisiju za činjenice o ratnim zločinima i drugim teškim povredama ljudskih prava počinjenim na teritoriji nekadašnje SFRJ, od 1. januara 1991. do 31. decembra 2001. godine. Okuplja 2.050 nevladinih organizacija za ljudska prava, udruženja bivših logoraša, izbjeglica, porodica nestalih žrtava, umjetnika, pisaca, pravnik i drugih pojedinaca koji dijele mišljenje da jedino regionalni pristup može da osigura sveobuhvatni istorijski zapis o tome šta se dogodilo u prošlosti. Koalicija za REKOM je od oktobra 2008. do marta 2011. godine vodila konsultativni proces o potrebama žrtava i mandatu regionalnog tijela za otkrivanje i javno iznošenje činjenica o ratnim zločinima, drugim teškim povredama ljudskih prava, žrtvama i počiniocima, u formi 128 lokalnih i regionalnih skupova i osam međunarodnih foruma za tranziciju pravdu. U oblikovanju Prijedloga Statuta REKOM-a učestvovalo je 6.700 predstavnika civilnog društva, uključujući organizacije za ljudska prava, žrtve, porodice žrtava, pravnike, umjetnike, pisce i druge ugledne pojedince, profesionalno i lično zainteresovane da svojim ličnim angažovanjem doprinesu uspostavljanju pravde i pomirenja u regionu bivše Jugoslavije.

Koalicija za REKOM je usvojila Prijedlog Statuta 26.03.2011. godine. Peticiju za osnivanje REKOM-a je tokom maja i juna 2011. godine potpisalo 545.000 građana iz postjugoslavenskih zemalja.

### Javni zagovarači Inicijative za REKOM

Njihov zadatak je bio da pripreme transfer Inicijative za REKOM sa civilnog na politički nivo:

Prof. dr Zdravko Grebo, reditelj Dino Mustafić, novinarka Dženana Karup-Druško (BiH), Prof. dr Žarko Puhovski (Hrvatska) Prof. dr Biljana Vankovska (Makedonija) Novinar Adriatik Kelmendi (Kosovo) Aktivistkinja za ljudska prava Nataša Kandić, novinar Dinko Gruhonjić (Srbija); Novinar Dragoljub Duško Vuković (Crna Gora); Novinar Igor Mekina (Slovenija).

Institucionalizacija Inicijative za REKOM je okončana u junu 2013. godine, do kada su predsjednici država u regionu imenovali lične izaslanike u zvaničnu Regionalnu ekspertsku grupu za REKOM.

### Izaslanici predsjednika država/Predsjedništva BiH za REKOM

**Prof. dr Zlata Đurđević**, redovna profesorica na Pravnom fakultetu Sveučilišta u Zagrebu – izaslanica predsjednika Republike Hrvatske;

**Siniša Vazić**, sudija Apelacionog suda u Beogradu – izaslanik predsjednika Republike Srbije;

**Prof. dr Sonja Tomović-Šundić**, savjetnica predsjednika Crne Gore za oblast ljudskih prava i manjina;

**Luben Arnaudovski**, zamjenik Generalnog sekretara za pravne i organizacione poslove u kabinetu predsjednika Makedonije;

**Selim Selimi**, pravni savjetnik predsjednice Kosova;

**Aljoša Čampara**, dogradonačelnik Sarajeva – izaslanik člana Predsjedništva BiH;

**Goran Mihaljević**, pravni ekspert za saradnju sa Haškim tribunalom – izaslanik člana Predsjedništva BiH.

### Prvi sastanak Regionalne ekspertske grupe za REKOM

održan je 6.09.2013. godine u Zagrebu. Time je započela nova faza procesa REKOM – realizacija međudržavnog projekta REKOM. Sastanak izaslanika predsjednika postjugoslavenskih zemalja/Predsjedništva BiH sa javnim zagovaračima Inicijative REKOM je protekao u duhu stručnih priprema sastanka koji će uslijediti krajem desetog mjeseca 2013. i biti posvećen detaljnoj pravnoj analizi članova Prijedloga Statuta REKOM.

Izaslanici predsjednika država u regionu i javni zagovarači su se složili da je Prijedlog Statuta REKOM, koji je usvojila Koalicija za REKOM 26.03.2011. polazni dokument u izgradnji minimalnog konsenzusa za raspravu na zvaničnom nivou.

Javni zagovarači Inicijative REKOM su predočili da prijedlog Statuta REKOM odražava sliku stanja tranzicione pravde, kako su je ocijenili učesnici troipogodišnjeg konsultativnog procesa u kontekstu ograničenja krivičnih sudjenja i posljedica rata – mrtvi, nestali i u simboličkom smislu vrijednosti za koje su mnogi poginuli, a koje se danas mijenjaju i raspadaju.

Zvanični izaslanici za REKOM su ocijenili da je Inicijativa REKOM jedinstvena u međunarodnom sudskom sistemu i traženju mira, jer se omogućuje da više država koje su bile u sukobu zajednički nađu rješenje koje će priznati i ispraviti ratne nepravde.

Izaslanici su ukazali da predmet ozbiljne analize treba da bude razgraničenje uloge komisije u odnosu na pravosudna tijela, i kako potencijal koji nudi regionalna komisija uklopiti u specifične nacionalne državne mehanizme, koji pokazuju da pravni nisu dovoljni.

Zvanični izaslanici dali su punu podršku članovima 13. i 14. Prijedloga Statuta REKOM koji se odnose na ciljeve i zadatke komisije. Prema njihovom mišljenju postoje pitanja, kao što je sudbina nestalih, reparacije, koja se ne mogu riješiti unutar jedne države. Regionalna komisija je bolji okvir, ima veći potencijal – smatraju oni. Posebno su istakli neovisnost komisije koju omogućuje njen regionalni karakter, što je čini jačim instrumentom u odnosu na lokalne mehanizme u otkrivanju istine o tome šta se dogodilo u prošlosti.

Izaslanici predsjednika država pozivaju člana Predsjedništva BiH, Nebojšu Radmanovića, i predsjednika Slovenije Boruta Pahora, da se pridruže u izgradnji zvaničnog regionalnog mehanizama za ustanovljenje činjenica o tome šta se dogodilo u ratovima na teritoriji nekadašnje SFRJ.

### Ciljevi i zadaci REKOM-a

#### Član 13 Prijedloga Statuta

##### Ciljevi

Komisija ima sljedeće ciljeve:

- (a) da utvrdi činjenice o ratnim zločinima i drugim teškim kršenjima ljudskih prava učinjenim na području nekadašnje SFRJ u periodu od 1. januara 1991. do 31. decembra 2001. godine, političkim i društvenim okolnostima koje su uticale na činjenje ovih djela, i posljedicama do kojih su zločini i kršenja prava doveli;
- (b) da prizna nepravde nanese žrtvama, u cilju izgradnje kulture solidarnosti i saosjećanja;
- (c) da doprinese ostvarenju prava žrtava;
- (d) da doprinese da političke elite i društva u stranama ugovornicama prihvate činjenice o ratnim zločinima i drugim teškim kršenjima ljudskih prava;
- (e) da doprinese rasvjetljavanju sudbine nestalih;
- (f) da doprinese sprečavanju ponavljanja ratnih zločina i drugih teških kršenja ljudskih prava.